


2020-mi inuusuttunut ilinniartit

Saqqummersitami uani Kalaallit Nunaanni inuusuttunut ilinniartit ilinniartut kisimik sammeneqarput. Nunani allani inuusuttunut ilinniartit ilinniartut Kalaallit Nunaanneersut Naatsorsueqqissaartarfiup Kisitsisaataasiviani aaneqarsinnaapput

2020-mi 664-it inuusuttunut ilinniartit naammassinnissimapput

2020-mi Kalaallit Nunaanni 664-inik amerlassusillit inuusuttunut ilinniartit naammassinnissimapput. Ukiuni tulleriinni ilinniakkamik naammassinnittartut amerliartorusaarsimapput, 2016-imilu naammassinnissimasut 803-ullutik amerlanerpaasimapput. Taamanili ukiumut naammassinnittartut amerlassusaat 17,3 pct.-inik appararsimavoq, kisiannili 2005-imiit 67 pct.-inik qaffassimalluni.

Titartagaq 1. 2003-miit 2020-mut Kalaallit Nunaanni inuusuttunut ilinniartit naammassinnissimasut



Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNISC11D>).

Ilinniartertuunngorniartit naammassinnittarnerit amerlassusaat ukiup siulianisulli annertutigipput. 2020-mi ilinniartertuunngorniartit naammassinnissimasut 284-iusut, ukiup siuliani 283-iusipput. 2005-imut sanilliullugu ilinniartertuunngorniartit naammassinnittarnerit amerlassusaat marloriaatinngorsimavoq. Inuusuttissarsiornermi ilinniakkamik naammassinnissimasut amerlassusaat ukiup siuliani 395-iusimasut 428-mut amerleriarsimapput, qaffariaat 8 pct.-iulluni.

2.161-it inuusuttunut ilinniartit ilinniakkamik ingerlatsipput


2020-mi Kalaallit Nunaanni inuusuttunut ilinniartit ilinniakkamik ingerlatsisut 2.161-inik amerlassuseqarput. Tamanna inuusuttunut

ilinniakkani inuussutissarsiormilu ilinniakkani 5 pct.-inik qaffariarneruvoq. 2011-miilli ilinniartut amerlassusaat 292-inik ikileriarsimapput, appariaat 12 pct.-iulluni. Ilinniarnertuunngorniartut inuussutissarsiormilu ilinniartut amerlassusaat assigiinginnarput.

1.313-it inuusuttunut ilinniartut inuussutissarsiormilu ilinniakkamik aallartitsisimapput 2020-mi 1.313-inik amerlassusillit inuusuttunut ilinniartut inuussutissarsiormilu ilinniakkamik aallartitsisimapput¹, tamannalu 2016-imut sanilliullugu 6 pct.-inik appariarneruvoq, tassani inuussutissarsiormilu ilinniakkamik aallartitsisimasut amerlanerpaasimmata. Ilinniartuunngorniarnernik aallartitsisimasut 2014-imi amerlanerpaasipput, inuussutissarsiormilu ilinniakkamik aallartitsisimasut 2016-imi amerlanerpaasut.

Agguaqatigiissillugu 20-nik ukiullit ilinniarnertuunngorniarnernik aallartitsisarput, inuussutissarsiormilu ilinniakkamik aallartitsisartut agguaqatigiissillugu 27-nik ukioqartarlutik.

Titartagaq 2. 2003-miit 2020-mut Kalaallit Nunaanni ilinniakkanik aallartitsinerit



Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNISC11A>).

¹ Ilinniartut ilinniakkami pineqartumi siomatigut ingerlatsereersimangitsut.

Eqikkaaneq

Tabel 1. 2016-imiit 2020-mut inuusuttunut ilinniarfinni ilinniartut ilinniakkap suussusaa killiffillu malillugit

	2016	2017	2018	2019	2020
Ilinniarnertuunngorniarfiit					
Aallartisisimasut	460	454	475	464	519
Ingerlatsisut	1097	1069	1070	1039	1085
Naamassinnissimasut	370	298	273	283	284
Inuusutissarsionermit ilinniartut					
Aallartisisimasut	826	786	733	679	707
Ingerlatsisut	1095	1064	1054	1015	1076
Naamassinnissimasut	433	407	395	378	380

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNISC11A>, <https://bank.stat.gl/UDNISC11B>, <https://bank.stat.gl/UDNISC11D>).

Periaaseq

Nalunaarsuutit tunngaviusut

Ilinniartitaanermut kisitsisitigut paasissutissani ilinniagaqarnersiuteqartitsivimmit (USF) nalunaarsuutit tunngavigineqarput. Nalunaarsuiffik ilinniakkanik ilinniagaqarnersiuteqarfigineqarsinnaasunik taamaallaat imaqarpoq. Kalaallit Nunaanni ilinniakkat qallunaanit ingerlanneqartut nalunaarsuutaat (politiinngorniarneq isertitsivinnilu nakkutilliisunngorniarneq) aammalu suliffeqarfiit namminneq ilinniakkat ingerlataat nalunaarsuutini ilaanngillat.

Periaaseq

Naatsorsueqqissaartarfiup naatsorsuutit atunnginnerini kisitsisit misissoqqissaarpai, nalilersorlugit aamma suliareqqillugit.

Ilinniartut ulloq naammassiffik tunngavigalugu ilinniartunut nalunaarsuutit ukiut tamaasa ukiut kingulliit pingasut iluarsineqartarput. Siunissami ilinniartut pillugu kisitsisitigut paasissutissat assigiiaarnerunissaat aamma ilinniartunut nalunaarsuutit kingumoortumik iluarsineqartarnissaat eqqarsaatigalugu taamatut suleriuseqartoqarpoq.

Naatsorsuineq

Ukiumut ataasiarluni ilinniartitaanermut kisitsisitigut paasissutissat suliarineqartarput. Ilinniakkamilli ingerlatsisunut ulloq 31/12 naatsorsuutini malinneqartarpoq.

Ilinniartitaanermut paasissutissani ilinniakkamut ingerlatsineq uuttuutitut atornerqarpoq. Ilinniakkamik ingerlatsinerit amerlassusaat inuillu amerlassusaat assigiinngillat. Assersuutigalugu ukiup ataatsip ingerlanerani ilinniartoq ilinniakkamik aallartitsisinnaavoq, aallartitaraluarnilu unitsillugu ukiullu ingerlanerani ilinniakkamik allamik allartitseqqilluni. Taamaasilluni aallartitsisimasutut marloriarluni naatsorsuutini ilaassaaq. Ilinniakkanik ingerlatsinerit inuillu amerlassusaat assigiissinnaapput aatsaat ilinniartunik ingerlatsisunik naatsorsuinermit.

Ilinniartitaanermut kisitsisit paasissutissaat ilinniakkanik aallartitsisimasunik, ingerlatsisunik naammassinnissimasunillu imaqarput, ilinniakkap qaffasissusaa, suaiaassuseq ukiullu malillugit immikkoortiterneqarsimasunik. Kisitsisillu immikkoortiterneqarput:

- Ilinniakkamik ingerlatsineq, nuna ilinniakkamik ingerlatsivik malillugu
- Kalaallit Nunaanni ilinniakkamik ingerlatsineq, ilinniarfik ilinniagarlu malillugit

Inuussutissarsiornermi ilinniakkat ataasiaakkat Danmarkimi atuagarsorfiupput, suliffinnillu misiliinerit annerpaartaat Kalaallit Nunaanni pisarput. Saqqummersitami matumani nuna ilinniarfik tassaavoq nuna ilinniarfiup inissisimaffiatut nalunaarsorneqarfia.

Naatsorsueqqissaartarfiup ilinniartitaanermut kisitsisitigut paasissutissiaani UNESCO-p nunat tamalaat akornanni malittarisassaa ISCED2011-mik taaneqartoq malinneqarpoq. Taassuma saniatigut Naatsorsueqqissaartarfik Kalaallit Nunaanni ilinniakkat, ilinniakkap qaffasissusaa malillugu, immikkoortiternerat takussutissiaraa. Taaguutit takussutissiarlu www.stat.gl-imi Ilinniartitaanermut tunngasut ataanni nassaarineqarsinnaavoq.

Signatur forklaring:

... Oplysninger foreligger ikke
.. Oplysninger for usikre til at angives eller diskretionshensyn
. Tal kan efter sagens natur ikke forekomme
0 Mindre end halvdelen af den anvendte enhed
- Nul
* Foreløbigt eller anslået tal

Saaffiginniffissaq

Emil Malta

E-mail: emim@stat.gl

Ilinniartitaaneq

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

